

KONSTITUIRAJUĆA – 1. RADNA SJEDNICA UPRAVNOG ODBORA
Javne ustanove Bosansko narodno pozorište Zenica

Z A P I S N I K

MJESTO: Trg Bosne i Hercegovine broj 3, Zenica, zgrada Javne ustanove Bosansko narodno pozorište Zenica, II sprat, Kancelarija broj 45
DATUM: petak, 01. 07. 2022. godine
VRIJEME: 16.00 h

Sjednici prisustvuju:

1. dipl. pravnik **Una Selimović**, predsjednica
2. dipl. profesor **Aldina Aganović**, članica
3. dipl. glumac **Adis Mehanović**, član

ZAPISNIČARKA:

4. **Selma Tabaković-Jašar**, voditelj Pravne službe JU BNP Zenica.
 Sjednici, po službenoj dužnosti, prisustvuje i **direktor BNP Zenica, Miroljub Mijatović**.

UVOD: Predsjednica Upravnog odbora JU BNP Zenica (u daljem tekstu: *predsjednica UO*) se prigodno obraća prisutnim uz želju za uspješnim radom, prvenstveno za dobrobit i u najboljem interesu Javne ustanove Bosansko narodno pozorište Zenica.

- Prije zvaničnog početka radne sjednice, predsjednica UO konstatuje da istoj prisustvuje dovoljan broj članova potreban za punovažno odlučivanje.

- Na upit predsjednice UO o saglasnosti članova UO sa predloženim dnevnim redom sjednice, isti se usvaja jednoglasno u cjelosti.

UVODNA TAČKA 1. - Prisustvo drugih lica, odnosno sindikalnog predstavnika na sjednicama Upravnog odbora JU BNP Zenica.

ZAKLJUČAK: Na osnovu sugestije direktora JU BNP Zenica utvrđuje se potreba donošenja zaključka o prisustvu predsjednika sindikalne organizacije JU BNP Zenica – gđin Elvir Škiljo na sjednicama, a s obzirom da je Upravni odbor u prethodnom sazivu izglasao i donio zaključak da imenovani prisustvuje na svim radnim sjednicama.

Upravni odbor JU BNP u novom sazivu sa jednim glasom „protiv“ i dva glasa „za“, utvrđuje da predsjednik sindikalne organizacije JU BNP Zenica može prisustvovati sjednicama Upravnog odbora kada se radi o tačkama dnevnog reda koje se odnose na prava radnika i radne odnose.

Članica Aldina A. mišljenja je da je prisustvo sindikalnog predstavnika neophodno tokom cjelokupnog rada Upravnog odbora.

Radna sjednica nastavlja se prema usvojenom dnevnom redu.

Dnevni red:

1. Upoznavanje članova UO JU BNP Zenica sa zakonskim i općim aktima i drugim propisima (Poslovnik o radu, Zakon o pozorišnoj djelatnosti, Uredba sa zakonskom snagom o ustanovama, Zakon o radu, Pravila, Pravilnik o radu i drugo),
2. Prijedlog za donošenje novog Poslovnika o radu Upravnog odbora,
3. Dostava Zahtjeva za saglasnost na potrebu prijema radnika u radni odnos na dva (2) radna mjesta – *scenograf i rekviziter* (broj: 656/22 od 28. 06. 2022.),
4. Informacija o objavi Javnog oglasa za prijem radnika u radni odnos na tri (3) radna mjesta – *dramski umjetnik-glumac, nabavljač-vozač i pomoćni scenski dekorater* i
5. Razno.

1. Upoznavanje članova UO JU BNP Zenica sa zakonskim i općim aktima i drugim propisima (Poslovnik o radu, Zakon o pozorišnoj djelatnosti, Uredba sa zakonskom snagom o ustanovama, Zakon o radu, Pravila, Pravilnik o radu i drugo;

Napomena: Upravnom odboru JU BNP Zenica u printanoj formi dostavljaju se neophodni akti, uključujući i Uredbu o postupku prijema u radni odnos u javnom sektoru ZDK i Odluku o utvrđivanju prethodne saglasnosti za popunu upražnjenih radnih mjesta Vlade Zeničko-dobojskog kantona uz napomenu da su na snazi i drugi interni akti kojima se uređuje djelatnost, rad i poslovanje JU BNP Zenica i to: Odluka o uspostavi i vršenju video nadzora, Pravilnik o blagajničkom poslovanju, Pravilnik o načinu prodaje, cijeni ulaznica i popustima, uslovima najma prostornih kapaciteta, utvrđivanju kriterija za dodjelu pozivnica i gratis ulaznica sa Odlukama o izmjeni i dopuni, Pravilnik o rukovanju zapaljivim tečnostima i plinovima u prometu, Pravilnik o organizaciji radnog vremena i načinu vođenja evidencije o radnom vremenu, radnicima, drugim licima angažovanim na radu i Pravilnik o kancelarijskom poslovanju.

Navedeni akti dostupni su i na službenoj web stranici JU BNP Zenica.

ZAKLJUČAK: Upravni odbor JU BNP Zenica prima na znanje prethodno i jednoglasno usvaja prijedlog predsjednice UO, da se članovi UO upoznaju sa sadržajem akata, što je neophodno za daljnji rad i eventualno upućivanje sugestija i prijedloga o mogućim izmjenama, unapređivanjem i usklađivanjima tokom predstojećeg rada.

Upravnom odboru je dostavljena i informacija da je u postupku usvajanje novog akta Pravila JU BNP Zenica koja su, te da su izvršena korekcije i sugestije prema uputama osnivača – Grada Zenica, čija je saglasnost neophodna za usvajanje istog.

Na narednim radnim sjednicama Upravni odbor će nastaviti postupak usvajanja, a neophodni prijedlog novog akta Pravila i sve ostala tražena akta i dokumentacija bit će dostavljena shodno zahtjevu članova Upravnog odbora.

Na zahtjev predsjednice UO u vezi sa predviđenim budžetom JU BNP Zenica, isto će biti dostavljeno u okviru Izvještaja o radu i poslovanju JU BNP Zenica, uzimajući u obzir specifičnost rada i načina poslovanja te finansiranja Javne ustanove.

2. Prijedlog za donošenje novog Poslovnika o radu Upravnog odbora;

Napomena: Putem elektronske pošte prijedlog novog Poslovnika o radu Upravnog odbora dostavljen je predsjednici i članovima Upravnog odbora.

ZAKLJUČAK: Upravni odbor JU BNP Zenica usvaja prijedlog Poslovnika o radu uz sugestiju predsjednice UO o usklađivanju člana 28. i 30. dostavljenog prijedloga.

Poslovnik o radu UO bit će korigovan i dostavljen na potpis na narednoj radnoj sjednici.

3. Dostava Zahtjeva za saglasnost na potrebu prijema radnika u radni odnos na dva (2) radna mjesta – scenograf i rekviziter (broj: 656/22 od 28. 06. 2022.);

ZAKLJUČAK: Upravni odbor daje jednoglasnu saglasnost na dostavljeni Zahtjev direktora broj gornji, koji se odnosi na potrebu popunjavanja upražnjenih radnih mjesta – *scenograf i rekviziter*.

Direktor JU BNP Zenica takođe ističe potrebu izmjene i dopune opisa poslova radnog mjesta *scenograf* u aktu o unutrašnjoj organizaciji rada i sistematizaciji radnih mjesta, uzimajući u obzir optimizaciju kadrovske politike,. Takođe, uočena je potreba za uvrštavanjem i novog radnog mjesta koje se odnosi na poslove video snimanja i produkcije. Na osnovu upućene inicijative direktora JU BNP Zenica, prethodno navedeno bit će uvršteno u dnevni red na sjednici Upravnog odbora.

4. Informacija o objavi Javnog oglasa za prijem radnika u radni odnos na tri (3) radna mjesta – *dramski umjetnik-glumac, nabavljač-vozač i pomoćni scenski dekorater;*

ZAKLJUČAK: Upravni odbor JU BNP Zenica prima na znanje informaciju o objavi javnog oglasa za prijem radnika u radni odnos na navedena tri radna mjesta, s obzirom na potvrdu direktora JU BNP Zenica da su dobijena neophodna mišljenja i saglasnost nadležnih tijela Zeničko-dobojskog kantona, prema odredbama Odluke o utvrđivanju prethodne saglasnosti za popunu upražnjenih radnih mjesta Vlade Zeničko-dobojskog kantona i saglasnost osnivača – Grad Zenica.

Prema informaciji direktora JU BNP Zenica javni oglas bi trebao biti objavljen krajem mjeseca avgusta 2022. godine.

5. Razno;

PITANJE 1. – Sanacija ravnog krova JU BNP Zenica

Član UO Adis M. ističe potrebu angažmana Upravnog odbora u cilju pronalaska izvora i načina finansiranja sanacije ravnog krova koji prokišnjava, što otežava normalan rad na scenskim i drugim prostorima, pritom iskazuje spremnost vlastitog angažiranja i dodatne inicijative u što bržem rješavanju ovog značajnog problema.

Direktor JU BNP Zenica dostavlja informaciju da je prema najnovijim podacima prema procjeni i predmjeru radova neophodno ≈1.200.00,00 KM sa PDV-om, za sanaciju cjelokupnog krova.

Dio sredstva neophodno je osigurati u saradnji sa osnivačem – Grad Zenica u čijem je i vlasništvu zgrada JU BNP Zenica, kroz aplikacije na namjenske međunarodne i domaće fondove.

S obzirom na obavezu hidroizolacije i utopljavanja zgrada, što je u skladu sa najnovijim standardima, troškovi sanacije su uvećani u odnosu na 2018. godinu.

Prije sanacije neophodna je izrada aktuelnog projekta sa predmjerom i proračunom radova, uz finansijsku pomoć osnivača, za šta je već upućen i dopis, te postoj naznaka da će sredstva za ovu svrhu biti i predviđena.

ZAKLJUČAK: U skladu sa iznesenim činjenicama, Upravni odbor JU BNP Zenica utvrđuje potrebu održavanja sastanka u Kabinetu Gradonačelnika, kako bi se ovo pitanje pokušalo hitno riješiti.

Dopis Upravnog sa molbom za osiguranje potrebnih sredstava uz upit za održavanje radnog sastanka u Kabinetu Gradonačelnika bit će dostavljen naredne sedmice.

PITANJE 2. – Kabare klub

Direktor JU BNP Zenica obavještava da, s obzirom da je nadležnost Upravnog odbora JU BNP Zenica da odlučuje o dugoročnom najmu prostornih kapaciteta JU BNP Zenica, bilo bi potrebno objaviti javni oglas o zakupu prostora Kabare Kluba.

U sudskom sporu JU BNP Zenica sa pravnim subjektom Cabaret d.o.o. Zenica, prethodnim zakupcem, donesena je presuda, koja je pravosnažna i izvršna, da tuženi izvrši isplatu predmetnog dugovanja uz troškove postupka.

Tuženi nije izvršio predmetnu uplatu u datom roku, te se pokreće izvršni postupka koji vodi advokatska punomoćnica, a tu svrhu pribavljena potrebna dokumentacija, dokaz o posjedovanju nekretnina, motornog vozila, eventualno pokrenutom stečajnom postupku i broj bankovnog računa Cabaret d.o.o. Zenica, o čemu je obaviješten i Upravni odbor u prethodnom sazivu.

Na upit predsjednice Upravnog odbora, direktor JU BNP Zenica daje informaciju da je trenutno prostorne kapacitete JU BNP Zenica koristi i ARS Centar – baletni studio.

ZAKLJUČAK: Upravni odbor JU BNP Zenica će na narednim radnim sjednicama, u skladu sa prethodnim, izvršiti pripremu javnog oglasa za zakup poslovnog prostora Kabare kluba te donijeti odluku o objavljivanju istog po ispunjavanju svih propisanih uslova.

NAPOMENA: Članica Aldina A. zbog obaveza nije mogućnosti prisustvovati nastavku sjednice te napušta istu u 17.30 h.

PITANJE 3. – Naknade za rad Upravnog odbora

Direktor JU BNP Zenica obavještava Upravni odbor da je naknada na ime rada u Upravnom odboru JU BNP Zenica do sada utvrđena u iznosu od =80,00 KM (slovima: osamdeset konvertibilnih maraka). Shodno prethodnom, potrebno je donošenje odluke o navedenom te izjašnjenje predsjednice i članova Upravnog odbora da li su saglasni sa time.

ZAKLJUČAK: Upravni odbor daje saglasnost na dosadašnju naknadu u iznosu od =80,00 KM, te će o istom biti donesen posebna odluka, nakon potvrde i odsutne članice Upravnog odbora JU BNP Zenica.

Na inicijativu člana Adisa M. i iskazanu vlastitu volju da naknadu u cjelosti usmjeri na ime troškova angažmana gostujućih glumaca – vanjskih saradnika, a kako bi se povećao broj igranja repriznih izvedbi ovih predstava, o istom će biti konsultirana Služba računovodstva i finansija JU BNP Zenica.

PITANJE 4. - Druge informacije

U okviru ove tačke dnevnog reda direktor JU BNP Zenica dostavlja informaciju da je zaključno sa 30. 06. 2022. godine izmireno cjelokupno dugovanjem prema JP „Grijanje“ d.o.o. Zenica na osnovu sporazuma o obročnoj isplati, te upućen zahtjev za otpis zakonskih kamata.

Takođe, dostavlja se informacija da je JU BNP Zenica ove godine poslovala bez kreditnih zaduženja, koja su u određenim godinama korištena.

Svi ostali komunalni i režijski troškovi izmiruju se redovnom uključujući i račune za električnu energiju koji su početkom ove godine uvećani.

Sjednica je zaključena u 18.10 h.

ZAPISNIČARKA


Selma Tabaković-Jašar

**PREDSJEDNICA UPRAVNOG ODBORA
JU BNP ZENICA**


Una Selimović

Zapisnik je sačinjen na četiri (4) numerirane stranice.

Zenica, 05. 07. 2022. godine
Broj: 679/22